

Na osnovu člana 61. stav 1. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 9/15, 102/15, 104/16, 05/18, 11/19, 99/19, 25/22 i 06/23) te na osnovu tačke 6. Odluke o procedurama za dodjelu finansijskih sredstava iz Tekuće rezerve Budžeta Federacije Bosne i Hercegovine („Službene novine Federacije BiH“, broj 106/14), Zamjenik Premijera Federacije Bosne i Hercegovine-federalni ministar rada i socijalne politike donosi,

ODLUKU

o planu i kriterijima korištenja sredstava Tekuće rezerve – Zamjenika - 1 Budžeta Federacije Bosne i Hercegovine za 2023. godinu

I.

Ovom odlukom definiraju se plan i kriteriji korištenja sredstava Tekuće rezerve Zamjenika -1 Budžeta Federacije Bosne i Hercegovine za 2023. godinu („Službene novine Federacije BiH“, broj: 06/23) rashodi i izdaci, ekonomski kod 6000 pozicija – Tekuća rezerva- Zamjenika 1 u iznosu 40.000,00 KM.

II.

Sredstva iz tačke I. ove odluke koristit će se u periodu od 01.01.2023. godine do 31.12.2023. godine.

III.

Sredstva iz tačke I. ove odluke koristit će se prema planu i kriterijima utvrđenim tačkom, II. ove odluke, a prema sljedećim kriterijima:

- potpora talentiranim sportistima, đacima i studentima, kao i univerzitetskim radnicima i znanstvenicima i njihovom sudjelovanju na domaćim i međunarodnim sportskim, stručnim i ekspertnim skupovima;
- potpora aktivnostima koje imaju za cilj sprječavanje, ublažavanje i otklanjanje socijalne ugroženosti svih osoba koje evidentno imaju otežane životne uvjete i poboljšanje standarda djece, starih i nemoćnih osoba, osoba koje same ili uz pomoć članova porodice ne mogu zadovoljiti temeljne životne potrebe, zbog nepovoljnih ličnih, ekonomskih, socijalnih i drugih okolnosti, prognanih, izbjeglih i raseljenih osoba, boraca i boračkih udruženja kao i drugih nepobrojanih kategorija građana u stanju socijalne potrebe;
- potpora u obnovi, sanaciji i izgradnji objekata stanovanja, predškolskog odgoja, osnovnog, srednjeg i visokog obrazovanja, sportskih, vjerskih i objekata lokalne infrastrukture;
- potpora autorima književnih djela;
- potpora pri organiziranju kulturnih, sportskih, naučnih, vjerskih i drugih manifestacija koje imaju društvenu vrijednost i potporu obilježavanju značajnih historijskih datuma;
- potpora neprofitnim organizacijama, udruženjima i nevladinom sektoru čiji je djelokrug rada vezan za: slučajeve nestalih osoba, pronalaženje, ekshumaciju i identifikaciju nestalih osoba i saradnju sa sudovima, tužiteljstvima i organizacijama koje su aktivno uključene u rješavanje pitanja nestalih osoba;
- potpora neprofitnim organizacijama, udruženjima i nevladinom sektoru čiji je djelokrug rada vezan za: zaštitu ljudskih prava i sloboda, pomoć u realizaciji projekata vezanih za povratak izbjeglih i raseljenih osoba, očuvanje kulturnih vrijednosti, promociju volonterskog i humanitarnog rada, unapređenje kvalitete življenja, zaštite zdravlja i životne sredine;
- potpora i u drugim slučajevima humanitarnog i socijalnog karaktera.
- potpora i u drugim slučajevima u kojima to odluči zamjenik Premijera Federacije Bosne i Hercegovine.

IV

Korisnici sredstava iz tačke I. ove odluke mogu biti fizička lica, pravna lica, udruženja, organizacije i niži nivoi vlasti koji se zahtjevom za pomoć obrate Zamjeniku Premijera Federacije Bosne i Hercegovine - federalnom ministru rada i socijalne politike, a koji udovoljavaju kriterijima iz tačke III. ove odluke.

V

O odobrenju i visini novčane pomoći u svakom pojedinačnom slučaju odlučuje Zamjenik Premijera Federacije Bosne i Hercegovine - federalni ministar rada i socijalne politike.

VI

Za realizaciju ove odluke zadužuje se Generalni sekretariat Vlade Federacije Bosne i Hercegovine i Federalno ministarstvo finansija – Federalno ministarstvo financija svako u okviru svojih nadležnosti.

VII

Ova odluka stupa na snagu danom donošenja.

ZAMJENIK PREMIJERA
FEDERALNI MINISTAR RADA I SOCIJALNE POLITIKE

Vesko Drljača
Vesko Drljača

Broj: 02/1-013/23
Sarajevo, 13.02.2023. godine